

**Sporazum o stabilizaciji i pridruživanju između EU i Bosne i Hercegovine**

**6. sastanak Pododbora za trgovinu, industriju, carine i oporezivanje**

**30. mart 2023. godine - video konferencija**

**Preporuke Evropske unije**

1. Komisija je vlastima BiH preporučila da strategije i zakonodavstvo čija izrada za cilj ima usklađivanje s *acquisem* EU/standardima EU treba da odražavaju zajedničku viziju i angažman cijele zemlje, daju prednost kvalitetu u odnosu na brzinu, i budu popraćeni odgovarajućim konsultacijama zainteresovanih strana i izdvajanjem resursa adekvatnih za realizaciju ciljeva strategija/zakonodavstva. Nadalje, potrebno je poboljšati prikupljanje relevantnih podataka/statistike i uspostaviti mehanizam za praćenje provođenja strategija/zakonodavstva za cijelu zemlju.

## **1. TRGOVINA**

2. BiH treba što prije završiti proces pristupanja Svjetskoj trgovinskoj organizaciji. BiH treba Komisiji dostaviti nacrt Odluke o kvalitetu tečnih naftnih goriva i tabelu usklađenosti/ocjenu Energetske zajednice i treba usvojiti ovu Odluku (2. kvartal 2023).
3. BiH treba provesti Akcioni plan za zajedničko regionalno tržište 2021-2024, posebno provedbom Dodatnog protokola 5 uz CEFTA-u o olakšavanju trgovine i Dodatnog protokola 6 uz CEFTA-u o trgovini uslugama (3. kvartal 2023); i pregovarati i osigurati brzo usvajanje Dodatnog protokola 7 uz CEFTA-u o rješavanju sporova.
4. BiH treba hitno poduzeti mjere kako bi se prekinula diskriminatorna praksa pojedinih kantona da određene uvozne lijekove isključe sa lista lijekova koji se mogu propisati i izdavati na teret obaveznog zdravstvenog osiguranja.
5. BiH treba usvojiti novi Zakon o akcizama što je prije moguće kako bi ga uskladila sa *acquisem* EU, naročito vezano za definiciju malih pivara (2. kvartal 2023.).
6. BiH mora da poštuje odredbe SSP-a o trgovini i da ne uvodi nove neopravdane mjere za ograničenje trgovine koje mogu ugroziti dodatni pristup tržištu predviđen autonomnim trgovinskim mjerama (ATM).

## **2. SLOBODNO KRETANJE ROBA**

7. BiH treba usvojiti cjelodržavnu strategiju za infrastrukturu kvaliteta nakon savjetovanja sa Evropskom komisijom (4. kvartal 2023.)

8. BiH treba utvrditi listu važećih tehničkih propisa (2. kvartal 2023.) i započeti s ukidanjem domaćih propisa u cijeloj zemlji koji su u suprotnosti sa propisima EU, uključujući standarde bivše Jugoslavije koji su u suprotnosti s onima koji su usklađeni s evropskim standardima (3. kvartal 2024).
9. BiH treba ispitati sve postojeće zakonske i administrativne prakse u neusklađenoj oblasti kako bi osigurala usklađenost s članovima 34. do 36. Ugovora o funkcionisanju Evropske unije (4. kvartal 2023) zajedno sa planom kako da se riješi problem svih neusklađenih elemenata (4. kvartal 2023).
10. BiH treba usvojiti novi Zakon o akreditaciji u skladu sa najnovijim *acquisem* EU (4. kvartal 2023.) nakon dostavljanja nacрта i tabela usklađenosti Evropskoj komisiji.
11. BiH treba usvojiti novi Zakon o nadzoru nad tržištem u skladu sa najnovijim *acquisem* EU (4. kvartal 2023.) nakon dostavljanja nacрта i tabela usklađenosti Evropskoj komisiji.
12. BiH treba dostaviti informacije u pisanoj formi o stanju u pogledu JUS standarda u cijeloj zemlji i da pojasni ishod preuzimanja sedam direktiva „novog pristupa” kao što je zatraženo nakon 5. Pododbora (2. kvartal 2023.).
13. BiH treba dostaviti jedinstvenu analizu pravnog okvira i podjele nadležnosti za usklađivanje sa direktivama „novog i starog pristupa” kao što je zatraženo nakon 5. Pododbora (2. kvartal 2023.).

### 3. INDUSTRIJSKA POLITIKA

14. BiH treba sastaviti sveobuhvatan popis svih administrativnih i tehničkih koraka koji su potrebni za registraciju i/ili poslovanje domaćih i stranih kompanija širom zemlje, kako bi ukinula zahtjeve koji otežavaju stvaranje jedinstvenog ekonomskog prostora (4. kvartal 2023.) i pojednostaviti i uskladiti registraciju poslovnih subjekata u oba entiteta kako bi se smanjila administrativna opterećenja na preduzetnike tako što će centralizovati registraciju privrednih subjekata (tj. ukinuti zahtjev za dvostrukom registracijom) i dozvole izdavati putem jednošalterskog sistema i primjenom online registracije (1. kvartal 2024.).
15. U cilju harmonizacije u cijeloj zemlji, BiH treba utvrditi razlike između strategija industrijske politike i akcionih planova različitih nivoa vlasti, osiguravajući koordinaciju i uključivanje industrijskih preduzeća u proces formulacije i provedbe politike (2. kvartal 2023.).
16. BiH treba procijeniti potrebe poslovnih subjekata, posebno malih i srednjih preduzeća, kada je u pitanju unapređenje vještina i treba usvojiti strateške smjernice za usklađivanje podrške malim i srednjim preduzećima i preduzetništvu (4. kvartal 2023.).

17. BiH treba obezbijediti jedinstvenu analizu, uključujući tabele usklađenosti, koja pokazuje da je Direktiva o kašnjenju u plaćanju efikasno preuzeta u zakone na entitetskom nivou, sve dok ne bude donesen jedinstveni zakon na državnom nivou kojim se preuzima Direktiva.

#### 4. OPOREZIVANJE

18. BiH treba uskladiti propise o PDV-u i akcizama sa *acquisem* EU, posebno propise o akcizama na pivo, i izbjegavati dalja odstupanja od *acquisa* EU, posebno u pogledu akciza na naftne derivate (1. kvartal 2024.).
19. BiH treba ukloniti sva administrativna opterećenja u vezi s elektronskim potpisom (e-potpis) kako bi se osigurala njegova interoperabilnost i usklađenost u cijeloj zemlji (1. kvartal 2024.).

#### 5. CARINE

20. BiH treba ojačati administrativne i operativne kapacitete Uprave za indirektno oporezivanje (3. kvartal 2023.).
21. BiH treba povećati kontrole nakon carinjenja na osnovu analize rizika, proširiti korištenje pojednostavljenih postupaka za pouzdane privredne subjekte i unaprijediti međusobnu povezanost i interoperabilnost sa IT sistemima i zahtjevima EU (3. kvartal 2023.).
22. BiH treba dostaviti Nacionalni plan za pristupanje Konvenciji o zajedničkom tranzitu (2. kvartal 2023.).
23. BiH se treba pridružiti Protokolu o uklanjanju nezakonite trgovine duhanskim proizvodima uz Okvirnu konvenciju Svjetske zdravstvene organizacije o nadzoru nad duhanom i provesti sistem slijeđenja i praćenja cigareta (X kvartal 2023.).